

Zvibatanidzi

PANOPERA CHIDZIDZO CHINO MUDZIDZI ANOTARISIRWA KUNGE AVA KUGONA

- Kudoma mhando dzezvibatanidzi
- Kunyukura zvibatanidzi kubva munyorwa
- Kunyora zvirevo achishandisa zvibatanidzi pakakodzera

Zvibatanidzi mazwi anobatanidza zvirevo zviviri kana kudarika kuti pabude chirevo chimwe chete.

Mhando dzezvibatanidzi ndedzinoti;uye, asine, kuti/nokutina-ne-no-zvakare/zvekareuyezenokudaro/nekudaro

Kana pachishandiswa uye panenge pachibatanidzwa pfungwa mbiri dzinoenderana.

Somuenzaniso

Tinotenda akamboenda kuAmerica uye kuEurope gore rapera.

Kotoro yakapera ndakakunda muzvidzidzo zveChiShona,Svomhu uye neChirungu

Asi anoshandiswa kuratidza rimwe divi renyaya kana kusiyana kwepfungwa mumutsara mumwe chete.

Somuenzaniso

Ndinoda kuenda kumusha asi handifariri kuenda kumunda.

Ndaifanira kuenda kuGweru svondo rakapera asi ndakazonzwa shoko renhamo rakabva kumusha

Chibatanidzi chokuti /na-/ chinoshandiswa kuratidza panenge paitika chinhu nekuti munhu anenge asina kuzviita oga asi azviita nevamwe.

Somuenzaniso

Ndakatamba bhora naTatenda.Ndakadzidza naFarai kumusha.

VaShumba vakaenda naTinotenda kunhamo nezuro.

Ropafadzo akarwa naKudakwashe nezuro vari kumombe.

Chibatanidzo /na-/chinofambirana nenhoredzera;ne-no-

Somuenzaniso

Tiritose aenda kunovhima nembwa yake inonzi Machena.

Anofarira kudya sadza nomukaka.

Chibatanidzi chokuti zvekare chinoshandiswa kuwedzera imwe pfungwa pane zvinhu zvinenge zvataurwa.

Somuenzaniso

Tinotenda mwana anogona chikoro zvakare mwana anoteerera vabereki vake.

Ndakashanyira sekuru vangu kumusha zvekare ndikanoona tete vairwara.

Chibatanidzi chokuti uyezve chinoratidza kuti kubva pane zvambotaurwa, pane zvimwe zviru kuda kuwedzerwa.

Somuenzaniso

Tatenda ane marambadoro uyezve haagone kuzvibata.

Charakupa anoda kudy a sadza nenyama yehuku uyezve michero yemusango.

Nokudaro inoshanda kuratidza kuti sei zvinhu zvaitika.

Somuenzaniso

Imbwa yakaba chimukuyu mumba nokudaro yakarohwa zvakaipisisa nemuridzi wayo.

Rwendo rwuno handina kuverenga chaizvo nekudaro ndakatadza bvunzo dzekupera kwegore.

Mibvunzo

Nyurura zvibatinidzi muzvirevo zvinotevera ugopa pfungwa dziri kubatanidzwa :

1. Chipa kana Mary, umwe wavo ane hinyoreso chagu
2. Imba nokuti ndiwe une izwi rakanaka
3. Kufara zvangu asi mumoyo mune zvinondineta
4. Kushambidzika kunopa utano uye kurodza pfungwa
5. Ndinotenda Mwari asi pane dzimwe nguva ndinombomutuka
6. Kuremekedza munhu wese kwakanaka asi nokuti kune vakuru vanozvitorera pasi
7. Vhiya yose kana une pokuisa nyama yacho
8. Chirere mangwana chigokurerawo asi ipa mutemo wakasimba
9. Anofariwa nevanhu nekuti ane mutsa